

**CYFARFOD COMISIWN FFINIAU LLYWODRAETH LEOL I GYMRU A GYNHALIWD
DDYDD IAU 17 MEDI 2009 YN NHŶ CARADOG, CAERDYDD.**

Comisiynwyr

Mr P J Wood (Cadeirydd)
Y Parch. H M Davies (Dirprwy Gadeirydd)
Mr J Bader (Aelod)

Ysgrifenyddiaeth

Mr E H Lewis (Ysgrifennydd)
Mr S Halsall
Mr D Carr
Mrs L Brough
Mrs A Prescott-Bird

1. DATGANIAD BUDDIANNAU

- 1.1 Ni ddatganwyd unrhyw fuddiannau newydd. Datganodd y Cadeirydd fuddiant yn eitem 5 ar yr agenda, Amserlen Arolygon, gan fod ei wraig yn Gynghorydd Cymunedol ar gyfer Cymuned Creunant. **Cytunwyd** na fyddai'n rhaid i'r Cadeirydd adael yn ystod y drafodaeth.

2. COFNODION CYFARFOD Y COMISIWN A GYNHALIWDYD AR 17 AWST 2009

- 2.1 Cytunwyd ar y rhain.

3. MATERION YN CODI

Arolygon Etholiadol

- 3.1 Cadarnhawyd dyddiadau ar gyfer cyflwyniadau Cyngor Powys a Chyngor Gwynedd.
- 3.2 Roedd yr Ysgrifennydd wrthi'n hysbysu Cynghorau nad oeddent eto wedi cyflwyno arolygon cymunedol i'r Comisiwn na fyddai modd bellach ystyried unrhyw gyfryw arolygon nes bod yr Arolwg Etholiadol wedi'i gwblhau.
- 3.3 Roedd Adroddiadau Cynigion Drafft ar gyfer Casnewydd, Castell-nedd Port Talbot a Sir Ddinbych wrthi'n cael eu cyfieithu yn barod i'w cyhoeddi.
- 3.4 Roedd gwaith ar yr adroddiad Cynigion Drafft ar gyfer Sir y Fflint yn dal i fynd rhagddo, gan fod nifer sylweddol o gynrychiolaethau i'w hystyried.
- 3.5 Nid oedd Cyngor Sir Ynys Môn wedi cyflwyno ffigurau etholiadol rhagolwg cyflawn i'r Comisiwn o hyd. **Cytunwyd** y byddai'r ffigurau rhagolwg anghyflawn yn cael eu defnyddio i lunio fformwla ar gyfer cyfrifo ffigurau rhagolwg dros dro, ac y byddai'r adroddiad Cynigion Drafft yn cynnwys esboniad ynglŷn â sut y penderfynwyd ar y ffigurau.

Adroddiad Blynyddol a Gweithdai

- 3.6 Nodwyd na fyddai'r Dirprwy Gadeirydd yn gallu mynychu Gweithdy Merthyr oherwydd ymrwymadau eraill. Nodwyd mai dim ond ar gyfer noson 6 Hydref cyn Gweithdy Wrecsam y byddai'r Aelod yn gallu aros yn Wrecsam.

4. AROLWG ETHOLIADOL RHONDDA CYNON TAF – YSTYRIED CYNLLUNIAU PELLACH

- 4.1 Ystyriodd y Comisiwn y cynlluniau diwygiedig ar gyfer Rhondda Cynon Taf y gofynnwyd amdanynt yn y cyfarfod blaenorol. **Cytunwyd** mabwysiadu cynllun 1a gyda'r cynnig ychwanegol i gyfuno adrannau etholiadol presennol Gorllewin Aberdâr / Llwydcoed a Dwyrain Aberdâr.

5. AMSERLEN AROLYGON

- 5.1 Amlinellwyd y sefyllfa bresennol mewn perthynas â'r amserlen arolygon:

- Roedd Cynigion Drafft Casnewydd, Castell-nedd Port Talbot a Sir Ddinbych i'w cyhoeddi ar ddiwedd mis Medi, fodd bynnag, roedd hyn yn debygol o fod yn ddechrau mis Hydref erbyn hyn oherwydd yr amser a gymerir i gyfieithu ac argraffu tri adroddiad ar yr un pryd. Y terfyn amser i dderbyn cynrychiolaethau ar gyfer y cynigion hyn fyddai mis Rhagfyr 2009 felly, a fyddai'n gadael tri mis i lunio a chyhoeddi'r Cynigion Drafft er mwyn bodloni'r terfyn amser a osodwyd gan lythyr cylch gwaith Cynulliad Cymru;
- Byddai Cynigion Drafft ar gyfer Sir y Fflint yn cael eu cyflwyno yng nghyfarfod mis Hydref;
- Byddai Cynigion Drafft ar gyfer Rhondda Cynon Taf yn cael eu drafftio a'u hanfon ymlaen at Aelodau i'w cymeradwyo'n electronig ar ôl i unrhyw ddiwygiadau'n codi yn sgil cyngor cyfreithiol gael eu hymgorffori. **Cytunwyd** mai ar unrhyw gyngor cyfreithiol a oedd yn ymddangos yn anarferol iddynt yn unig y byddai'r Ysgrifenyddiaeth yn ymgynghori ag Aelodau;
- Byddai cynlluniau ar gyfer Ynys Môn yn cael eu cyflwyno ar gyfer cyfarfod mis Hydref;
- Roedd y terfyn amser ar gyfer cynrychiolaethau cychwynnol ar gyfer arolwg Caerdydd wedi'i bennu, sef 22 Hydref;
- Roedd arolwg Merthyr Tudful wedi dechrau ar 16 Medi gyda dyddiad y terfyn amser ar gyfer derbyn cynrychiolaethau cychwynnol wedi'i bennu ar gyfer 19 Tachwedd;
- Roedd arolwg Pen-y-bont ar Ogwr i gychwyn ar 24 Medi ar ôl y cyflwyniad i'r cynghorau cymunedol;
- Roedd arolwg Conwy i gychwyn ar 28 Medi ar ôl y cyflwyniad i Gyngor Bwrdeistref Sirol Conwy;
- Roedd y cyfarfod gyda Phrif Weithredwr Cyngor Bwrdeistref Sirol Powys i'w gynnal ar 25 Medi ac roedd y cyflwyniad i'r Cyngor i'w gynnal ar 22 Hydref, sef dyddiad cychwyn yr arolwg hefyd;
- Roedd y cyfarfod gyda Phrif Weithredwr Cyngor Sir Gwynedd a'r cyflwyniad i'r cynghorwyr i'w gynnal ar 9 Tachwedd. Nid oedd dyddiad wedi'i bennu ar gyfer y cyflwyniad i'r cynghorau cymunedol;
- Roedd Cynigion Terfynol ar gyfer arolwg Cymunedol Caerffili wedi'u cyhoeddi;
- Roedd Cynigion Terfynol ar gyfer arolwg Cymunedol Bro Morgannwg wedi'u cyhoeddi;
- Roedd yr adroddiad Cynigion Terfynol ar gyfer arolwg Cymunedol Blaenau Gwent wrthi'n cael ei argraffu a byddai'n cael ei gyhoeddi'n fuan;

- Byddai cynrychiolaethau ar gyfer y Cynigion Drafft Pellach ar gyfer arolwg Cymunedol Abertawe yn cael ei gyflwyno i gyfarfod mis Hydref. Byddai drafft o'r adroddiad Cynigion Terfynol yn cael eu cyflwyno i gyfarfod mis Tachwedd;
- Derbyniwyd nifer sylweddol o gynrychiolaethau mewn perthynas ag arolwg Cymunedol Sir Benfro a threfnwyd ymweliad safle ar gyfer diwedd mis Medi i arolygu'r newidiadau arfaethedig; ac
- Roedd Cyngor Bwrdeistref Sirol Torfaen i gyflwyno'u harolwg cymunedol i gyfarfod gweithredol o'r Cyngor i'w gynnal yn ystod mis Medi.

6. ADRODDIAD SWYDDFA ARCHWILIO CYMRU – CYNNYDD AR WEITHREDU

- 6.1 Nodwyd bod rhan fwyaf yr argymhellion wedi'u gweithredu erbyn hyn, ac roedd y rheiny nad oeddent wedi'u cwblhau wedi'u hoedi oherwydd diffyg adnoddau sy'n angenrheidiol i'w gweithredu. **Cytunwyd** y byddai adroddiad cynnydd ar weithredu'r argymhellion yn cael ei ddarparu i Swyddfa Archwilio Cymru trwy Is-adran Nawdd y Comisiwn, ac y byddai'r goblygiadau adnoddau ar gyfer yr argymhellion heb eu gweithredu yn cael eu hamlygu yn yr adroddiad hwn.

7. CYNLLUN IAITH GYMRAEG A DIWEDDARIAD

- 7.1 Adroddwyd bod Cynllun Iaith Gymraeg y Comisiwn wedi'u gynhyrchu ychydig yn hwyrach na'r blynyddoedd blaenorol, a bod Bwrdd yr Iaith Gymraeg wedi gofyn amdano, ac wedi awgrymu hefyd bod y Comisiwn yn cynnal arolwg o'r Cynllun Iaith Gymraeg. Roedd Bwrdd yr Iaith Gymraeg wedi awgrymu bod y Comisiwn yn mabwysiadu datganiad yn dweud yn glir bod y Comisiwn yn derbyn gohebiaeth yn Gymraeg ac yn Saesneg, fodd bynnag, roedd yr Aelodau o'r farn nad oedd angen hyn, am fod y Comisiwn yn cynnal ei holl fusnes yn ddwyieithog. Ystyriwyd bod y cynllun presennol yn ddigonol ar y cyfan, ac y gallai fod angen ymgynghori o bosibl wrth adolygu'r cynllun; byddai goblygiadau i adnoddau ynghlwm wrth hyn. **Cytunwyd** y byddai'r Ysgrifenyddiaeth yn mabwysiadu arferion ar gyfer eu cynllun a oedd uwchlaw'r gofynion safonol, fel penodi'r Dirprwy Gadeirydd fel hyrwyddwr iaith Gymraeg y Comisiwn. **Cytunwyd** y byddai'r Comisiwn yn ymateb i Fwrdd yr Iaith Gymraeg yn tynnu sylw at y ffaith fod y Comisiwn wedi mabwysiadu ymagwedd ragweithiol at yr iaith Gymraeg, ac esbonio nad oedd modd cynnal arolwg llawn o'r cynllun ar hyn o bryd oherwydd yr adnoddau y mae'n ofynnol eu cael ar gyfer yr arolwg etholiadol, ond y byddai arolwg llawn gydag ymgynghoriad yn cael ei gynnal ar ôl cwblhau gwaith yr arolwg etholiadol.

8. DIGWYDDIAD YR ADRODDIAD BLYNYDDOL A GWEITHDAI

- 8.1 Fe wnaeth y Comisiwn ystyried y cynllun ar gyfer digwyddiadau'r Adroddiad blynyddol a Gweithdai a gynhyrchwyd gan yr hwylusydd. **Cytunwyd** y byddai amserlen yn cael ei mabwysiadu fel a ganlyn:
- 10.20 i 10.30 a.m. Croeso yn Gymraeg a Saesneg, a chyflwyniadau, gofyn bod cyfranogwyr o amgylch pob bwrdd yn cyflwyno'u hunain i'w gilydd (nid i'r Gweithdy cyfan);
 - Adroddiad ar Arolygon Etholiadol yn cael ei gyflwyno gan y Cadeirydd;

- Cyflwyniad ar yr Adroddiad Blynyddol yn cael ei gyflwyno gan y Dirprwy Gadeirydd (neu Aelod pan na fydd y Dirprwy Gadeirydd yn bresennol);
- Adborth ar Weithdai'r gorffennol yn cael ei gyflwyno gan y Cadeirydd; a
- Chynllun Strategol y Comisiwn yn cael ei gyflwyno gan yr Aelod.

8.2 Mewn perthynas â'r cwestiynau allweddol i'w trafod, awgrymwyd y byddai'r cwestiynau canlynol yn cael eu defnyddio ar gyfer y Gweithdai, yn amodol ar gysylltu â'r Hwylusydd:

- Beth yw pwyntiau cryf a phwyntiau gwan Cynllun Strategol y Comisiwn?;
- Beth yw'r materion allweddol yng Nghynllun Strategol y Comisiwn i'ch awdurdod chi?; a
- Beth yw eich barn gyffredinol ar berfformiad y Comisiwn.

8.3 **Cytunwyd** y byddai'r Ysgrifennydd yn adrodd sylwadau ac awgrymiadau'r Hwylusydd yn ôl i Aelodau yn ôl yr angen

9. UNRHYW FATER ARALL

9.1 Adroddwyd y byddai dau aelod o staff yr Ysgrifenyddiaeth yn mynychu digwyddiad Buddsoddwyr mewn Pobl (IIP) yn Birmingham, lle byddent yn cael eu llongyfarch ar y Comisiwn yn ennill statws IIP.

10. DYDDIAD Y CYFARFOD NESAF

10.1 Pennwyd dyddiadau'r cyfarfodydd nesaf fel a ganlyn:

Dydd Mercher 7 / 8 Hydref 2009 (ar ôl y Gweithdy)
Dydd Mawrth 24 Tachwedd 2009 (ar ôl y Gweithdy)
Dydd Mercher 16 Rhagfyr 2009 (ar ôl y Gweithdy).